

LUB ROOJ TSAVXWM MEDICAL HAUVE KALIFONIAS

Paub txog. Nojcab Haushuv.

Kev khomob yog ib yam tseemceeb uas yuavtsum tau muaj rau txhua tus menuam thiab txhua tsevneeg. Ua raws li no kom koj thiab koj tsevneeg tau txais txoj kev khomob uas zoo tshaj.

1) *Niaj Zaus Mus Ntsib Ib Tus Kws Khomob Uas Muaj Laixees*

- Hu rau lub Rooj Tsavxwm Medical hauv Kalifonias Tus Xovtooj Muab Kev Qhia Rau Tibneeg ntawm (916) 263-2382 mus nug saib koj tus neeg muab kev khomob puas muaj laixees.
- Yog xav tau kev qhia ntxiv txog cov kws khomob uas muaj laixees, cov neeg pab kws khomob thiab cov kws kho kotaw, mus xyuas lub Rooj Tsavxwm Medical hauv Kalifonias li Web site ntawm www.medbd.ca.gov. Cov kev qhia txog laixees ntawm lwm hom kws khomob muaj nyob hauv Phab Pabeuam Neeg Siv li Web site ntawm www.dca.ca.gov.

2) *Tshawb Kom Puab Txog Koj Cov Kws Khomob*

- Cov tsev khomob ntiav ntau tus kws khomob. Uantej koj mus ntsib lawv hu rau lub tsev khomob thiab thov cov kws khomob uas tej zaum yuav ntsib koj cov npe. Hu rau lub Rooj Tsavxwm Medical ntawm (916) 263-2382 mus tug txhua tus kws khomob ntawd tej laixees.

3) *Tsis Txob Noj Cov Tshuaj Uas Cov Neeg Tsis Muaj Laixees Xaj*

- Tsuas yuav cov tshuaj noj thiab tshuaj siv uas ib tus kws khomob uas muaj laixees xaj nkaus xwb.
- Qhia rau koj tus kws khomob txog cov tshuaj uas koj niajhnuj noj. Lawv xav paub saib cov tshuaj uas lawv yuav xaj ntawd puas haum rau cov tshuaj uas koj niajhnuj noj.

4) *Siv lub Rooj Tsavxwm Medical Na Lub Chaw Pab Koj Txoj Kev Khomob*

- Yog koj muaj teebmeem nrog ib tus kws khomob lossis lwm tus kws muab kev khomob, hu rau lub Rooj Tsavxwm Medical hauv Kalifonias tus xovtooj hu-dawb ntawm 1-800-633-2322.

Lub Rooj Tsavxwm Medical hauv Kalifonias yog ib lub chaw ua haujlwm tseemfwv, uas muab laixees thiab qhuabntuas cov kws khomob.

Lub Rooj Tsavxwm no ua ob yam tseebceeb xwsli: muab kev qhia txog cov kws khomo, thiab tshuaj xyuas cov kws khomob txog tej uas tej tibneeg tau hais tuaj.



XAIV IB TUS KWS KHOMOB

*Koj tus uas yog neeg mob, tsimnyog txaus siab rau
koj tus kws khomob. Yog koj xav tau ib tus kws
khomob tshiab, no yog ib cov tsuvyim pab:*

- Yog koj muaj kev fajseeb khomob, nûg koj lub chaw fajseeb khomob lossis koj tus tswv haujlwm lub chaw saib kev khomob txog daim ntawv teev cov kws khomob uas lawv muaj. Ntau lub chaw fajseeb khomob txwv cov kws khomob uas koj xav tau, thiab xav kom koj xaiv ib tus thawj kws khomob (PCP) uas teev rau hauv daim ntawv uas lawv muaj xwb.
- Yog tias lawv tsis txwv, cov kws khomob feem ntau yeej teev rau hauv phau ntawv xovtooj xim daj. Koj tus thawj kws khomob, tsimnyog koj xaiv ib tus uas yog Kws Kho Tsevneeg, Kws Kho Txhua Yam, lossis Kws Khomob Nrog Cev Tshwjxeeb (Kws Kho Nrog Cev). Qee zaum koj ho xav tau tej tus kws khomob tshwjxeeb xwsli ib tus Kws Kho Menyuam hauv Plab/Kws Kho Tsev Menyuam, Kws Kho Kotaw, Kws Kho Qhovmuag, lossis ib tus Kws Khomob Menyuam yaus rau koj cov menuam.
- Nrog koj tej phoojywg lossis neeg ua haujlwm tham txog cov kws khomob uas lawv nyiam lossis nrhiav hauv phau ntawv xovtooj xim dawb uas teev hauv qab Medical Society hauv koj lub nroog. Thaum koj tau ib cov kws khomob npe lawm, hu mus rau lawv lub chaw ua haujlwm thiab nûg saib lawv puas txais neeg mob tshiab lawm thiab saib lawv puas txais koj txoj kev fajseeb khomob.
- Hu rau lub Rooj Tsavxwm Medical ntawm (916) 263-2382 lossis mus xyuas peb li Web site ntawm www.medbd.ca.gov mus xyuas saib tus kws khomob uas koj xav tau puas muaj laixees hauv Kalifonias. Koj tseem siv tau qhov Web site mus xyuas saib tus kws khomob ntawd puas raug qhuabntuas dabtsi, lossis saib lub Rooj Tsavxwm puas tseem tabtom tshuaj xyuas dabtsi, txog tus kws khomob ntawd.
- Npaj kom txhij mus ntsib koj tus kws khomob thawj zaug los ntawm kev npaj kom muaj ib daim ntawv teev tej uas koj xav nrog koj tus kws khomob tham txog koj tej keebkwm kev mob nkeeg. Teev cov lus nûg uas koj xav kom nws teb rau koj.

Koj tsimnyog txaus siab rau koj tus kws khomob uas muaj laixees.

Ntseeg yam uas koj pheej xav rau hauv lub siab.

Cov xovtooj rau cov neeg tsis hnov lus:
(916) 263-2687 –Hu mus nûg txog cov kws khomob;
(916) 263-0935 – Hu mus hais kev tsis txaus siab

HMONG